



元經薛氏傳第四

阮逸註

經晉成帝咸和元年春帝正

月帝即位二月丁亥赦改元

夏四月汝南人執內史祖濟

叛甲子僕射攸卒六月徐州

刺史劉遐卒秋七月江州刺

史應詹薨九月蜀人寇涪陵

冬十月汝南王祐薨封魏後

勵南頓馬氏伏誅十一月壬

子大闕于南郊趙將聰寇壽

陽不克十二月劉闔叛于趙

梁王翹薨

傳曰成帝諱衍字世根明帝

長子也去年閏八月即皇帝

位今年正月始書即位者春

秋所謂正始也大赦改元咸

和循常制也

案元帝即位大赦改元建武自此以四月汝

南人執內史祖濟小之也言且與眾同叛爾

南人執內史祖濟小之也言

且與眾同叛爾

公書晉人執

虞公罪虞且言

易也十九年人執鄒子用

元經薛氏傳

卷四

一

曹伯者不及其民也則是汝州人執祖濟叛于趙者人衆叛也

鄧攸字伯道襄陽人末嘉時為河東太守陷于石勒逃歸

元帝時為吳郡太守入拜侍中久之遷尚書于僕射卒書

官嘉良吏也案鄧攸事具良吏傳十二人劉遐字正長廣平易陽人冀

方比之張飛關羽間道歸元帝授以節度討周撫有功徙

臨懷太守王敦之亂遐自彭越赴京師平王含討泉陵公

遷徐州刺史至日卒誌功臣也應詹字思遠南頓人也魏

侍中瓊之孫也以學藝文章晉王澄為荊州詹督南平

天門武陵三郡事聞洛陽傾復詹擗袂流涕勸澄赴援乃

為檄詞義壯烈見者慷慨澄不能從上元帝假節以詹

為建武將軍上疏陳便宜曰臣王設官使君有常尊臣有

定下至亡秦罷侯置守綱廢弛興雜建侯守後

參古跡 大荒之後朝廷改創宜固 先舉元功以為封

首又曰元康以來賤經尚遁以玄虛為夷達以儒術為鄙

俗永嘉之弊未必不由此也今雖有儒官教養未備宜脩

辟雍崇明教義先令國子授訓然後皇儲親臨釋奠如此

則普天尚德率土知方矣平王敦詹為前鋒以功封觀陽

縣侯都督江州上疏曰夫欲用天下之智力者莫若使天

下信之也昔冀缺有功胥臣蒙先茅之賞子玉軍敗子文

受賈之貴漢宣帝時二千石有居職脩明者實為公卿

其不出職免官還為平人懲勸必行歷世長久中遷不

足勸免不足懼以此責成未見其可王敦新人情未安

詹撫而懷之莫不懽心疾篤與陶侃書曰神州未夷四方

多難足下宜務建洪範雖休勿休書薨者詹贈儀同三司

且褒名臣也九月蜀李雄張 寇涪陵執太守謝俊書蜀
 者賊眾也汝南王祐文成王亮之子祐字永猷元帝渡江
 襲封汝南王謚曰威書薨得其終也曹勵者魏武帝之孫
 也去年詔三恪二王應立其後者以聞至是封勵陳留王
 以繼魏後書得禮也案晉武受魏禪免封陳留王故今曹勵襲免之舊封南頓王宗
 有罪宗西陽王羨之弟也與兄羨俱過江明帝踐祚宗興
 虞胤皆為帝所親昵委以禁旅連結輕狹恃宗盛至是怨
 望形於辭色御史中丞鍾雅劾宗謀反庾亮使收宗宗以
 兵距戰為亮兵所殺詔貶為馬氏書曰南頓不稱王貶也
 稱伏誅國討之文也壬子大閱 王導策不廢武備也春
 秋桓六年秋八月壬午大閱簡車馬皆於農隙講事不執
 不物則為亂政故有國家者不可廢閱禮也謂明年蘇峻反王導有

武備石勒使其將石聰攻壽陽不克言祖約保壽陽足以

拒聰也前年石生屯洛陽祖約為有備也劉闡為濟嶧太

守殺內史夏侯嘉叛歸石勒不書殺內史以叛罪大也逆

罪大不梁王彤無子以武陵王澹子禧為嗣是為懷王沒

于石勒懷王子翹自石氏歸國得立是為聲王經書薨貴

宗室也

經咸和二年春帝正月秀才龐貴起義兵攻李雄三月益

州地震五月甲申朔日有蝕之秋七月冬十月劉曜掠河

南地十一月祖約蘇峻反司馬流帥師與峻戰死之廣陵

郗鑒帥師赴京師

傳曰寧州秀才龐貴起義兵攻雄將任回不克不稱將書

秀才嘉之也益州地震本志謂蘇峻作亂之兆案咸和二



原件短缺

陵地震三月益州地震四月豫州地震江陵即應峻之甲
亂益州即應蜀主李雄廢太子立弟班召亂之萌也

申日蝕本志日在井井主酒食中饋女主之象明年皇太

后憂崩之應也劉胤者何曜之子也初曜伐涼州張茂稱

藩于曜為石勒所敗茂復攻曜掠春州使抱罕護軍辛宴

等與曜子胤相持七十餘日胤濟師逼抱罕 敗之遂畧

河南地言劉石相攻將亡之漸也秦劉曜既克張茂後議胤泣日慈父之心於子也當存鳴鳩之仁何可替熙而立臣

臣請死以明志心乃止後與石勒戰敗被擒國乃滅矣

十月豫州刺史祖約歷陽太守

西平將軍不預明帝顧命遂懷怨望蘇

末嘉之亂百姓流亡推峻為安集將軍

封邵陵公自有銳卒萬人潜有異志

徵峻為大司農峻疑亮害已乃潜結祖約以討亮為名

峻自橫江濟

壺督六軍與峻戰于西陵王師

敗績峻攻

師又敗下壺羊曼周導陶瞻皆死

之壺不

其死也

秦下壺字望之濟陰人有名譽

從事累遷尚書令峻反未合立疾而戰遂見害妻裴氏子為孝子夫何恨乎數尸哭曰父為忠臣沒相隨赴賊同時

門外亮走乘小船西奔携三弟懌脩翼投江 與

共推陶侃為盟主侃尤相稱勸不書官貶 貶曰亮

以舅氏專朝政作遺詔褒大臣而陶侃不 在其列是以

蘇峻與約舉兵誅亮失於先見 亮本傳云南頓

殺宗又廢者宗之黨也與宗俱誅峻與祖約反祖約自平王敦

微舉朝皆謂不可亮不聽宜峻與祖約反祖約自平王敦

稱亮故經貶之以戒專政失業也

以進鎮西將 陽為北境藩扞蘇峻舉兵遂推約為

大尉

亮峻敗約奔石勒

案祖約本傳云奔石勒人約之禍反

大飲醉逆殺百餘此日癡盡

書矯詔為中書令譏亮召亂也皇太后

陽門兵敗賊揮戈接於帝坐突入

侍人昔見掠奪庾氏以此憂辱而終書曰憂崩言不得令

終也南陽太守五國叛降石勒言趙強也葬明穆皇后即

庾氏書葬得禮也帝遷于石頭為蘇峻所逼也帝哀泣升

車宮中慟哭石頭城在建鄴之內虞譚者翻之孫也討張昌平

陳敏皆有功累遷至吳興太守庾冰者亮之弟也時為吳

國內史王舒者道徒弟也時為會稽內史以三吳之兵拒

峻將管商韓晃等書起義嘉之也案虞譚貌外柔而內堅

鮮有傾敗至侍郎七十九歲庾冰素風為世所重

攻賊于石頭冰勲為多後入為中書監衆所歸咸稱賢相

王舒潛心學植為吳中都督陶侃京師上舒監浙江東五郡軍事

命深以為恨温矯推侃為盟主侃子為峻所殺乃會平北

將軍魏該以師四萬次于蔡州攻石頭書次者過信宿也

三日已上必告其次謹師律有漸也桓彝字茂倫漢桓榮

之九世孫也補宣城內史聞蘇峻作逆彝慷慨流涕屯溼

陽是時州郡多遣使降峻咸勸彝偽與通和彝曰吾受國

厚恩義在致死安能與逆醜通問峻遣將韓晃攻彝固守

經年勢孤力屈城陷為所害故書賊攻宣城殺內史猶齊

豹書盜謂逆黨不洎各也春秋同二十一年盜殺衛侯之兄

韓晃不名而書賊同也毛寶者執謂曰温矯參軍也蘇峻之亂矯以

寶為前鋒時峻以萬斛饋祖約寶設策力戰奪其米約用

大乏嶠嘉之上為廬江太守攻祖約東關破合肥書坂之

旌功且往逆黨也傳曰賊遣韓晃攻寶南城寶登射殺

數十人晃問曰君是毛廬江耶寶曰

是是日君各勇何不出關實曰君健將何不入關而退又

討郭默及賊將石遇有功庾亮上為豫

劉曜及石季龍戰于高侯季龍敗績曜遂

謂石勒擒劉曜張本司徒王道白石初道待帝峻

帝幸石頭道爭之不得峻日肆醜言道路未及二子奔

于白石白石即温嶠庾亮屯所也庚午陶侃使督護楊謙

攻峻于石頭陣于白石峻輕出戰墜馬遂斬之書賊衆

大潰言餘黨不能復聚矣十月蜀李雄遣將張龍寇涪陵

太守趙弼没于賊經書蜀不稱李雄言蜀先與晉相抗猶

敵國焉曷謂稱寇曰僭亂抗正侵我不已故書抗以貶其

大過也案雄載記云雄特第三子也即位南攻漢中克涪陵遠人繼至下寬大之令降附者皆假復除益

州遂十二月石勒自率衆向洛劉曜常乘志馬無故踟頓

乘小馬出復餘酒斗飲至西陽門搗陣勒兵乘之大潰曜

昏醉奔退墜於渠為石堪所執送于勒書獲之執之也春

秋之例凡諸侯身犯不義而惡不及民則不稱人以執若

晉侯執曹伯是也僖二十八年春三月丙午晉侯執曹伯又成十三年二月執曹伯歸于京師傳

口晉侯執曹伯不及其民也傳例云凡君不導于民而諸侯討執之則曰某人執某侯今勒與曜皆

僭敵國而經兩名之無曲直之辭也稱獲之因舊史文耳

案曜在位一年而敗自元漢起懷帝未嘉四年僭號至曜五世凡二十二年而滅

經咸和四年春帝正月帝在石頭二月建威長史滕含奉

乘輿還宮弋陽王羨薨夏四月乙未始安公温嶠薨秋七

月有星孛于西北九月石勒盡滅劉氏冬十月廬山崩十

二月太尉陶侃討賊郭默

傳曰帝三年五月為蘇峻遷于石頭是時雖峻已誅峻弟

逸猶強盛故猶在石頭書未及正也二月丙戌諸軍攻石

頭

頭

頭

頭建威長史滕含以銳卒擊蘇逸大敗之含奉帝幸温嶠舟中書乘輿還宮正也

案温嶠傳云滕含抱天子

弋陽王

兼者汝南王亮之第三子也

亮宣帝第四子母伏太后

元帝渡江累遷

至太保明帝寢疾兼與王道同受顧命依平安獻王孚故事設床帳于殿上咸和初坐第南頓王宗免官降為弋陽

王至是蘇峻作亂兼稱述其勲峻既平賜死不書伊誅諱也曷諱爾曰兼偽辭早遜苟免一時之禍其實非附峻也

右王莽之世揚

其情固焉伏誅國除刑太過矣

君子哀之故舊書曰死猶言自死不稱誅不與其誅也温

嶠字大真博學能屬文初為劉琨參軍元帝立嶠累遷至

太子庶子明帝朝拜侍中參綜機密轉中書令王敦入輔

嶠知敦不軌諺為設敬總其府事上說密謀以附其欲補

丹陽尹敦構逆嶠請為備及平敦有功代應詹為江州刺

史鎮武昌聞蘇峻有變嶠屯潯陽率舟師赴難推陶侃同

盟戎卒六萬旌旗百里直至石頭嶠創建行廟設壇場書

天地祖宗親讀祝文聲氣激揚流涕被面三軍莫能仰視

賊平封始安郡公還武昌未旬日以齒疾中風而卒年四

十二書薨貴之也

帝母書追贈侍中諡曰忠武初葬豫章北有星孛于西北本志謂犯斗二十三日古曰有兵亂九

月石勒盡滅劉氏石勒與劉曜之子胤戰執其偽太子熙

及胤等三千餘人皆殺之

族九千餘人來襄

國劉氏自末嘉四年僭位至曜三世凡二十七年而滅春

秋勝國通以滅為文若楚

燕晉師秋齊師滅萊之類

是也稱名者即衛侯燬滅邢是也經書石勒名之劉曜氏

之何也 貶勒以強滅人之國不以義也古之滅國猶存其嗣以嗣其先周滅紂封微子於宋是也今勒殺劉熙胤及王公三千餘人故書曰盡滅劉氏貶其酷甚也廬山崩本志云柴桑西地崖崩九江刺史災也陶侃討郭默默為右將軍殺江州刺史劉胤不書官與賊也

經咸和五年春帝正月詔除諸將任子夏五月太尉陶侃擒郭默斬之六月初稅田畝三升秋八月石勒僭皇帝位九月造新宮繕苑城

傳曰自蘇峻反後諸將多以子為質謂之保任至是王導慮郭默之不可制乃詔除任子之法郭默河內懷人也永嘉之亂默率眾自為塢主累遷至潁川太守誅蘇峻遷為右將軍被徵過潯陽潯陽劉胤饋默酒二器肫一頭默投

之水中矯詔襲胤殺之太尉陶侃聞之曰此必詐也圖之

數重斬之傳首京師案郭默傳云侃惜默驍勇欲活得之而默將宋侯等恐為侃見殺故不時

出降而縛默求功即斬默初稅田畝三升亦什一也按本

志云成帝始度百姓田取十分之一而畝稅米三升焉案

帝詔于石長史人多少為殿最非宿衛皆赴農使畢各自佃作即以稟至成帝將軍應詹上表曰古人言飢寒不能使野無寇盜也貧富並并雖阜陶不能使東濟倉庾可計矣也宜簡流人與復農官依魏故事石勒之僭久矣至是季龍 宵等一

百二十九人上疏略曰物望去劉氏 明公者十九

焉請以劉備在蜀魏王在鄴故事以大單于鎮撫百蠻勅

乃即皇帝位九月造新宮自蘇峻後始復宮室也繕治苑城增固舊制春秋凡興造有書不時國有非常則不然安

王室設國備雖不時亦無譏爾案春秋書新作延廡新作廟門皆書不時例曰啓塞

從時云耳元經則不然
以安帝室廣城固制也

經咸和六年春帝正月趙將劉徵復寇婁縣司空郝鑒都督吳國二月詔段遼為驃騎將軍五月壬戌朔日有蝕之詔舉賢良直言之士夏四月旱秋七月蜀將李壽復侵陰平

傳曰去年趙石勒遣劉徵來寇南沙進入海虞至是劉徵又寇婁縣故書復寇言勒恃強不已郝鑒先出為會稽內史至是加都督浙東五郡軍事備賊劉徵也段遼者何單于匹磾之後陸眷之孫也自晉衰數據遼西之地其地西盡幽州東界遼水遙命為驃騎誦我好也三月壬戌日有蝕之本志謂帝年已長每幸司徒弟見王道守夫人如子弟之禮以人石而敬人臣之妻有虧君德之象也李壽蜀主

之族子也偽 漢王梁州刺史征代屢勝開地千里侵我陰乎 強也

經咸和七年春帝正月夏四月石勒將郭

秋七

月太尉陶侃收復襄陽冬十

新宮

傳曰先是西中郎將趙弘及司徒中郎匡術勒之馬頭塢勒將韓雍寇我南沙及海虞至是郭 陷襄陽侃遣其子斌及南中郎將桓宣攻敬破之 樊城竟陵太守李陽拔新野襄陽經獨書侃勤王之師為治 帝居新宮謹行在所

經咸和八年春帝正月詔舉力士 能舉一千五百斤 丙寅蜀將李

壽陷寧州癸酉張公庭為鎮西大將軍丙子詔焚石勒之賂夏四月以東帛徵處士五月乙未遼東公卒六月將軍

王舒卒秋七月趙石勒死子弘嗣其將石聰來降冬十月石季龍滅石明石生無十二月石生將郭權來降無傳曰詔舉力士不忘武備占之道也李壽攻我寧州圍之百餘日遂陷凡師被圍無救曰陷且言蜀寇強也張公庭者何涼州張軌之子駿也建興中敦煌計吏耿訪到長安遇賊因渡江太興二年至建業上書以州未知中興遣使願為鄉道屬連有國難未果王是以訪為治書御史拜駿鎮西大將軍駿受上稱臣而不奉正朔猶稱建興一十九年書字不名之也石勒遣使致賂詔焚之責其與我抗禮也翟字道深潯陽人廉潔不屑世事庾亮為之徵為博士不起虞喜字仲寧會稽餘姚人太寧中興臨海俱徵不就至是年太常華恒舉喜為賢良下

喜並守道清正不營世務雖徵命而

難染而搜引之禮簡乎政道須賢宜廊

以散騎

常侍徵之不起書曰處士以道自處也慕容廆鮮卑大單于咸和五年加廆侍中開府儀同三司廆與陶侃箋曰舊都不守奄為虜庭深惟文武之士過荷朝榮不能滅中原之寇刷天下之耻君侯植根江陽發曜荆甸仗葉公之權有包胥之忠而白公伍員殆得極其暴竊為丘明耻之今吳士英賢比肩而不輔翼聖王討逆暴之羯檄命舊都之士招懷存本之人豈不若因風振槁頰坂走圓扒楚漢輕重惟在君侯若悉五州之衆據兗豫之都則羯寇必滅廆在一方無由自發故遠陳戍言不宣侃等議請封廆為燕王朝議未定而廆卒其第三子旣嗣位為平州刺史督攝

部內書遼東公卒嘉其欲附也王舒執謂曰導從弟也隨
元帝渡江累遷至撫軍討蘇峻逆黨韓晃有功封彭澤侯
謚曰穆經書官褒功也石勒自太興二年偽稱趙王至咸
和五年僭號趙帝至是卒書曰死者不與其君崩也為臣
竟也書死以其國位不正之稱乎石聰者勒之族子與石
季龍有隙遂來奔其實奔而書降何也曰晉中國趙非列
國之弟也故書來降

經咸和九年春帝正月隕石于梁州二三月會稽地震夏
四月石季龍攻郭權陷之六月蜀李雄死姪班嗣之外太
陶侃薨江陵公陸曄卒蜀李期弒其主班十二月石虎
弒其主弘趙人朱縱來降

傳曰隕石隕星也春秋僖公十六年書隕石于宋五合涼

州屬張駿分野仲尼筆法誌其災異以應人君奉天戒脩
新政也不為涼州言吉凶也左氏所謂陰陽之事非吉凶
所生是也地震會稽者災異及于大臣乎是時陶侃薨之
應也趙生鎮關中起兵討石季龍為季龍所敗而生將郭
權以上邽來降詔以權為秦州刺史上邽豪族害權降季
龍以權於郿陷之書陷者言中國之地陷于賊故也蜀李
雄字仲雋特之子也立兄蕩之子班為太子其相李驥王
達皆諫曰吳王舍其子而立其弟所以有專諸之禍宋宣
不立與夷而立穆公卒有宋督之變稚不聽竟立班焉稚
生瘍於頭而卒書曰死者國位不正非可言崩也陶侃字
士衡鄱陽人舉孝廉至洛陽遷至江夏太守討張昌陳敏
有功中興歸元帝元帝加侃奮威將軍又擊杜弢破之為

荆州刺史又討杜曾平之轉廣州刺史及王敦反詔侃領
 江州敦平遷都督荆雍益梁州諸軍事入討蘇峻之亂有
 功拜大將軍上表遜曰臣欲為陛下西平李雄北吞石
 季龍良圖未敘於此長乖以後事付右司馬王衍期輿車
 就船明日薨於樊谿年七十六謚曰桓書太尉薨正也陸
 曄字士光吳郡人元帝於侍中皆北士宜兼用南人乃以
 曄清正為侍中成帝踐祚拜開府儀同三司平蘇峻封江
 年七十四卒謚曰穆書公貴之也蜀李期雄

雄既立已子乃立兄子班於是李越

因雄死奔

喪與期密圖之因班夜哭而越殺班於殯宮遂立期為主
 經書期弒其主班而不書越罪何也昔趙盾弒其君貶其
 不討賊今期及越共謀殺班期實者故書期弒其主貶其

骨肉相殘自期始也石虎字季龍勒養子也勒既立其子
 弘而季龍不平乃廢弘群臣勸季龍即位書曰石虎弒其
 君弘兩名之皆僭偽也然國位不正亦人主耳故書弒貶
 賊子也朱縱者何石季龍徐州從事也殺刺史郭祥來降
 季龍擊縱奔淮南書曰趙人微也曰來降抑偽以尊
 經咸康元年春帝正月帝始元服二月帝親釋奠夏四月
 趙虎寇歷陽命大司馬王導禦之秋八月長沙武陵大水
 冬十月乙未朔日有蝕之

傳曰帝親釋奠書始也始元服乃親行禮重祀典也

逸案帝講

詩釋奠于太學本志祀孔子顏回配石季龍自率衆南伐至歷陽臨江而旋

又遣石遇圍襄陽我師屯章山救襄陽大司馬王導總其
 事分遣劉峻救歷陽趙胤屯慈湖路永成牛渚王允之屯

蕪湖却鑒使陳光衛京師王國保襄陽經書王道禦之包諸將以畧其文也春秋元經皆有詳畧別無褒貶也長沙武陵大水二郡連災沴也乙未日蝕是歲大旱米斗錢五百書災異甚也公羊記異以異災也元經不然異同書之

經成康二年春帝正月辛巳彗星見于奎丁 立皇后杜

氏庚申高麗來貢夏四月皇后見天廟 揚州會稽

大饑冬十月廣州鄧岳擊夜郎新 興古並克

之與口分是月詔封周漢後猶周封二十一月將軍司馬

勲為蜀李壽所敗

傳曰彗掃星也史臣案彗體無光傳日為光故夕見者則

東指朝見者則西指在日南北者則隨日光而指光芒所

及則為災今彗見于奎十六星天之武庫也是時石虎兵

強江東武備不能振之象也皇后杜氏預之曾孫也父又

奕世名德故立為皇后正也案本傳云后長猶無速有求

速盡生有高麗入方物東航夷海而至也是時慕容廆稱

單于於遼東與東夷校尉崔恂有隙恂與高麗伐廆為廆

所敗恂奔高麗來貢者懼慕容而欲以附中國也皇后見

于太廟案嘉禮皆告于廟一曰納采二曰問名三曰納吉

四曰納徵五曰請期六曰親迎皆有祝文今皇后見于廟

所以明奉祭祀之本也揚州會稽二郡大饑詔開倉賑給

禮也夜郎興古不奉貢既克之言歸順也詔封周漢之後

其詔曰歷觀前代賓禮三恪故祀宋光于周典宗姬垂于

漢策周漢之後絕而莫繼其詳求備公山陽公近屬有履

行脩明可以繼承其祀者依舊典施行十一月遣建威將

軍動安集漢中為壽所敗案春秋敗或曰某師所敗其
敗績一也但文有異爾公羊傳分為二義非也

經咸康三年春帝正月辛卯立太學夏六月早慕容皝
立為燕王

傳曰禮始立學必釋奠于先聖先師乃行事必用幣

立學斯禮無聞魏正始二年使太常釋奠祠孔 雍

元帝 興皇子講論 于太學今書立太學者以明

但祠孔子于中 至是始別立太學也夏六月旱傷

稼則書不書大雩譏廢禮也慕容皝者廐第三子也蓋

遼左之地擊段遼破石虎乃遣使劉祥獻捷于我自稱燕

王從其好也且言皝才兼文武不貶其為假王也

毅多權畧通經學知天文凡行兵陣無不勝捷皝自立為燕王乃上表于成帝曰歷觀前代昏明之主若親黨后族

必有傾禍周之申伯號稱賢舅以身藩于外不握朝權降

及秦昭委信二舅幾至亂國漢武重田紛紛死後切齒追

恨成帝暗弱外資王舅令王莽坐取帝位設賢若穰侯王

殿不聞有二主若其不才則實憲梁冀成敗然矣陛下舅

庾亮執政輕侮邊將故蘇峻祖約不勝其憤臣與亮米名

位殊班出處懸邈臣獨抗言者為陛下為求計也昔徐福

陳霍氏之戒宣帝不從至今忠臣更為逆族昔王章劉向

上章未嘗不斥王氏谷永張禹依違不對取譏後世臣被

髮殊俗位為上將臣若不害誰當言者又與庾米書曰若

功就事舉必享申伯之名如或不立將有梁實之迹方今

四海有倒懸之急夏有借逆之寇吾雖寡薄早蒙元帝

列將之授務農三時用武况乃王者之威豈同言而

諫辭冰見書其甚懼遂與何充等奏皝稱燕王因其封裕

一頭依魏晉舊法中州未平官不減待克東庠於舊宮
議之封生深得蹇蹇王臣之體賜錢三萬立東庠於舊宮
行鄉射之禮皝自造大章以伐武才如此
誠十篇伐高麗扶餘皆克之其文武章著典
經咸康四年春帝正月二月石虎敗段遼夏四月蜀李壽
弒其主期纂其位石虎為慕容皝所敗六月王導為丞相
秋七月冬十月

傳曰石季龍因慕容皝稱藩請封段遼數為邊患季龍至遼敗未季龍怒皝不會軍乃伐皝皝擊敗之降段遼以歸先書石虎敗段遼後書虎為皝所敗者

石虎成文

也春秋列國相伐據所赴告而書之內相伐無所譏貶

李壽者驥之子也矯詔廢李期為公期縊死壽即篡位

改元稱漢興元年經書弒不縊貶壽篡逆也

案李雄之子皆為壽

所六月改司徒之官為丞相以太傅王導為之

案本志丞相秦官自

趙王倫以後非人臣之稱職太宰太傅太保周三公名官名曩易非正名也

經成康五年春帝正月三月廣州刺史鄧岳伐蜀執霍彪

夏五月征西庾亮擊巴郡獲李閔黃植秋七月丞相文獻

公王導薨辛酉何充錄尚書事八月復丞相為司徒辛酉

太尉郗鑒薨九月石虎寇河南邾城江夏圍石城畧漢東

民 幽冀冬十二月琅邪王岳為司徒

傳曰鄧嶽字伯山王導命為從事討蘇峻及郭默皆有功

遷交廣二州刺史 都督寧州建寧人孟彥者執李壽將

霍彪以降歸鄧嶽故書伐蜀大中國也

案本志分益州巴

郡為石虎李壽交侵為患數矣亮代陶侃都督江荆豫益

雍涼六州於是遣趙松擊巴郡江陽獲石虎將李閔黃植

春秋之法得君曰滅得臣曰獲僖元年十月壬午公子友

率師敗莒師于鄆獲莒擘傳曰嘉其獲也今書亮獲虎將

亦嘉之義也王導字茂弘覽之孫也元帝為琅邪王導奉

帝渡江謂從兄敦曰宜有以康濟者吳人紀瞻顧榮乃相

率拜於道左導乃進計以結人心躬造智循顧榮賓禮之

及洛京傾覆導收賢人君子荆揚晏安朝野傾心矣歷事

三朝累遷至太傅薨年六十四帝舉哀

依漢博陸

侯故事葬之謚曰文獻薨而書謚

元老中興大功

非群臣所此故書謚異常典也何充字次道王導庾亮言

於帝曰何充器局方槩有萬望之夫由是拜命有副時望

故書復丞相為司徒 導薨故復舊都鑒字道微高平

人躬耕隴畝以 著名與千餘家避難于嶧山元帝假

監龍驤將軍 帝立王敦專政伏鑒為外援及平蘇峻詔

進為司空至太尉上疏遜位舉蔡謨薨年七十一喪事如

温嶠故事書薨禮也石虎遣其將襲安寇河南張貉寇邾

城皆陷之又寇江夏義 我太守毛寶樊俊鄭進為王

師諱也且傷寶俊進以志死也遷民入幽冀譏時主不能

王也春秋之義有諱有譏有歸於懲惡勸善元經亦然耳

琅邪王徽即康帝之母弟也為司徒 言歷試也琅邪元帝

始興之國故先經始事文見此焉 謂建元元年康

經咸康六年春帝正月庚子庾亮薨 為嗣張本 然二月庚辰有星孛于

太微夏四月秋七月聽政于東堂

傳曰庾亮字元規明穆皇后之兄也 風格峻整明帝即位

以亮為中書監成帝立進中書令太后臨朝政事一決於

亮先朝遺詔不及陶侃祖約以此生人心及平蘇峻王敦

皆有功遷司空薨年五十二謚曰文康書薨禮也 經不星

孛太微本志謂甘氏云孛所當之國受其殃春秋有星

孛于東方不言宿者不加宿也今加于太微者天子之庭

五帝之座也 曰 微為衡衡主平言天庭理法平也有

妖孛于太微 天庭客各應之故明年杜皇后崩次年帝

崩之兆 聽政東堂依中興故事也元帝朔望坐中堂
經咸康七年春帝正月甲午朔日有蝕之傳無三月 戊杜
皇后崩夏四月葬恭皇后秋八月東海王冲薨冬十二月
司空陸玩薨

傳曰杜后諱陵陽崩年二十一無子謚曰恭書葬禮全于
終也東海王冲字道讓元帝之子也帝以東海王越無子
乃以冲嗣薨年三十一陸玩字士瑤吳人也初王敦逼以
軍期温嶠上表申理之得不坐累遷至尚書令司空玩既
拜命有人詣之索杯酒寫梁柱間祝曰當今乏材以爾為
柱石莫傾人梁棟耶玩笑曰感卿良箴既而謂賓佐曰我
為三公是天下無人談者以謂知言玩誘納後進譙若布
衣縉紳莫不蔭其德字薨年六十四謚曰康

元經薛氏傳第五

阮逸註

經東晉康帝建元元年春帝正月即位夏四月遣將伐蜀
秋七月丁巳詔桓温北伐圖中原冬十二月石虎侵張駿
戰于河西虎兵敗績

傳曰康帝諱嶽字世同成帝母弟也初封琅邪王庾冰謀
立長君遂詔帝為嗣及即位欲定制度年號 興中朝故

改元曰建元焉四月遣益州刺史周撫 陽太守曹據伐
蜀李壽敗之于江陽七月石虎將戴開率衆交降詔曰慕

容孰摧殄羯寇是天亡之始也中原之舉宜加籌量戴開
歸順宜遣使詣安西諮謀軍事安西張駿也以輔國將軍桓温

入臨淮庾亮為都督以圖伐石虎冬十二月石虎恐涼州
為後患張駿每遣使渡江多為虎所獲於是伐駿為駿所

元紀前代傳 卷七
敗春秋之例敵未陣曰敗某師若莊十一年敗宋師于鄆是也皆陣曰戰大崩曰敗績若莊二十八年甲寅齊人伐衛衛人及齊人戰衛人敗績是也或書地若僖二十二年冬十一月宋公及楚人戰于泓宋師敗績又宣十二年六月荀林父及楚人戰于邲楚師敗績是也

經建元二年春帝正月張駿討于閬破之二月慕容皝及宇文歸戰于昌黎歸兵大敗奔漠北夏四月張駿敗虎于三交城秋八月平北將軍桓宣卒衛將軍褚裒鎮金城

九月巴東楊謙擊李勢戰獲其將樂高丙申立皇太子戊戌帝崩于式乾殿葬崇平陵

傳曰張駿東界置沙州西界置河州於姑臧築城 流沙伐龜茲善鄯焉耆前部皆臣於晉南羌于闐不服駿遣和

麟謝艾大破之鮮卑宇文歸遣其國相莫淺渾攻慕容皝皝不與戰渾不設備皝卒騎兵擊之渾大敗乘勝斬其將涉奕干蓋俘其衆徒五萬餘部落于昌黎改涉奕干城曰威德城行飲王之禮宇文歸遁于漠北張駿遣將張璠敗石虎將王擢于三交城不書名微也桓宣譙國人累有戰功次于祖逖周訪都督沔北前鋒軍事鎮襄陽石虎攻襄陽宣墓精勇出其不義 退之庾翼北討以宣爲司雍梁三州荊州之南陽襄陽新野南鄉四郡軍事後爲石虎將李寵所敗發憤卒蜀李勢驕吞荒淫不恤國事巴西太守楊謙擊其將申陽走之獲其將樂高經言勢亡國自此始也立皇子聃正嗣也戊戌帝崩至十月乙丑葬于崇平陵崩葬並書從舊史文也

經穆帝永和元年春帝正月即位司空庾冰薨尚書令諸葛恢卒六月癸亥地震秋十月都亭侯庾翼卒司馬朱壽討子璿戴羲平之八月豫州路永出奔趙張駿伐焉者傳曰穆帝諱暉字彭子康帝子也即位時二歲皇太后褚氏臨朝攝政正月甲戌后設白紗帷於太極殿抱帝臨軒改元庾冰字季康累以戰功遷會稽內史初王導初喪人情洶然衆望歸冰咸曰賢相康獻皇后臨朝徵輔政冰辭以疾尋卒年四十九贈司 忠書薨進而賢之也曷謂賢白冰以兄亮 雄傑而天性情慎 於政理家

無私積世以此稱 書三公足勸來者諸葛恢字道明琅邪人祖誕父靚仕吳弱冠知名過江名亞王導庾亮元帝初以恢為 簿太興初為會稽太守政績第一累遷尚書

令卒年六十二六月地震主約陽盛弱夏陰蔽陽之象也庾翼字稚恭少有大畧見杜乂殷浩輩語人曰北輩束之高閣竝大平然後議其任耳謂成帝曰桓温有英雄之才勿以常人遇之累遷南都太守保石城得全翼之功多亮卒授翼都督六州軍事代亮鎮武昌時稱才幹由是河南皆懷歸附遣使東至遼東 慕容 西到京州 張 要結二方欲謀大舉以滅胡平蜀為已任言論慷慨形于詞色康帝即位翼上疏北伐曰賊虎年已六十醜類怨叛又欲決死遼東若北無掣手之虜即位南不異遼左矣臣所以輒發良人不顧忿咎然東西形援未必齊舉且北進安陸入沔輒率南郡太守王愆期江夏相謝尚潯陽守袁真西陽守曹據精銳三萬并北平桓宣搖蕩秦雍御以長轡用逸待勞



原件短缺

數年興復可冀臣臨 竊謂桓温可渡廣陵何充據淮
泗路永進屯合肥於是發所統六州奴及車牛騾馬向襄
陽有衆四萬大會僚佐陳旌甲親授弧矢曰我之行也君
此射矣三起三疊徒衆屬目其氣十倍俄疽背而卒年四
十一書曰都亭肅侯嘉其武也于璿戴義何庾翼部將也
翼卒乃作亂翼司馬朱燾及將軍袁真討平之永爲豫州
刺史庾翼既卒乃叛歸石虎書曰出奔內 張駿伐焉
耆北接烏孫地方四百里葱嶺以東皆服 張駿遣沙州
刺史楊宣疆理西域降之得衆四萬焉

經永和二年春帝正月錄尚書事何充卒夏四月己酉朔
日有蝕之五月涼州牧張駿薨六月趙將王擢執涼州護
軍胡軍又伐金城降張冲涼將謝艾拒 趙師敗績秋七月褚

梟鳴于牙中文曰梟邀也六博得梟者勝今梟鳴牙中克
敵之兆也世稱一代名將也褚衷字季野獻后父也桓彝謂
季野有皮裏春秋謝安亦重之曰東四時之氣備矣以后
父求出江州刺史在官清約而衷詣庾亮亮使郭璞筮之
曰非人臣卦及太后臨朝有司奏議欲加不臣之禮衷上疏
因讓歸藩進儀同三司書官譏不稱也十一月桓温帥將
軍周撫袁喬等伐蜀拜表輒行見諸葛亮八陣圖于魚腹
平沙之上壘石八行相去三丈温曰此常山蛇勢也文武
皆莫能識謂明年温克成都張本也枉矢流西北本志枉矢以亂伐亂
之應也

經永和三年春帝正月三月桓温攻成都李勢降夏四月
秋九月地震冬十二月蕭敬文陷涪州取巴西通漢中

傳曰桓温與李勢戰工宥橋温參軍龔翼護沒衆懼彭吏誤鳴進鼓於是進攻之勢衆大潰乘勝

城勢回縛昇觀

縛焚觀送于京

師九月地震者桓温陰盛臣

北也振威獲軍蕭敬文

害征虜將軍楊謙攻涪城陷之遂取巴西通漢中書蜀亂未已也

經永和四年春帝正月夏五月大水秋九月燕慕容皝死子雋嗣位冬十月石虎將符健寇竟陵

傳曰慕容皝死在位十五年子雋僭號追謚文明皇帝雋既立即燕王位依春秋列國故事稱元年穆帝遣冊雋大

單于燕王符健者符堅之伯也在石虎

竟陵書符氏

興張本也

經永和五年春帝正月石虎僭號于鄴夏四月周繫范

育獲之益州平石虎死子世嗣偽位五月石遵自立秋十

月褚衷次彭城遣將與石遵戰於代陂王師敗績八月涼

州人攻趙人長城戍敗之冬十月趙人攻宛執南陽太守

郭啓十一月石鑿弒石遵自立十二月將軍褚衷卒

傳曰石虎字季龍勒之從子勒授與其子弘虎私上自

都葉國以來吾躬當矢石二十餘年克定十有三州成定

趙之業者我也大單于實在我而授苗吻小兒上晏駕之

後不足留種也後果廢弘自立至是僭稱皇帝建元曰太

寧居鄴太脩宮觀凡在位十五年死其子世嗣位為石

遵所廢石遵自立偽稱王也在位凡三十三日褚衷次彭城遣將王龕李邁及石遵將李農合戰執王龕殺李邁書

太朋也涼人司馬 攻長城戍涼仇池公楊初政西城皆

敗之涼 也十月趙人石遇攻宛陷之執南陽太守郭

啓而 石遇亦遵族子書人微之也石鑿者遇之從弟也

初募立石冲鎮薊聞之曰世受先帝之命而導輒 殺

罪逆莫大乃大舉兵親討之石鑿與石閔謀廢遵率甲士

執之于如意觀初遵與宮人彈碁見甲士至問曰及者誰

也對曰義陽王鑿當立乃殺遵于琨 殿鑿即位以石閔

為武德王褚哀自彭城為石遵所敗憂慨發疾而卒年四

十七謚曰元穆追贈太傅不書譏常材也

經永和六年春帝正月懸而不樂閏月冉閔弒趙 石鑿

自立僭號魏丁丑彗星見于亢巳丑氏帥符 來降以為

氏上三月趙故將麻狄鳩殺符洪六月 石祗及其弟琨

攻冉閔為閔將王泰所敗秋八月譙王無忌薨十二月免

蔡謨為度人

傳曰正月元會懸而不樂以 哀之喪也冉閔者 謂石

閔也本姓冉石虎養為孫父 季龍子之閔 力絕人胡

夏宿將皆憚之既殺石鑿群 臣上尊號 僭位於南郊改

元末與國號大魏居襄國遣 使臨告我曰逆胡亂中原今

已誅之若能共討者可遣諸 小也朝廷不答責具無禮也

彗星見于亢占曰為兵大瘡 冉閔殺胡十餘萬人中原大

亂之應也氏帥 者堅之祖 洪弟健始入關其先氏羌

故號氏 虎既死麻狄嫉洪 以鳩殺之石祗者亦

衆十萬伐鄴為閔 王秦所敗死者萬餘也譙

王無忌者劉王遜之孫也無 字公壽隨桓温伐蜀有功

薨謚曰列稱功也

案無忌傳無

王與子拔刀以刃之中丞

車灌奏無忌專殺付廷尉

帝曰原情可貴聽以贖論

遷侍中司徒謨謂所親曰我為

司徒為後代所哂上司徒

印綬章表十餘不受帝年八歲

甚倦問左右所以召人何

以不至太后詔若不來宜罷朝

宗軍將軍殷浩奏免謨為

庶人議嚴浩之專政

經永和七年春帝正月丁酉日

有蝕之符徒僭號秦王夏

四月刺史司馬勳與符徒戰五

丈原王師敗績五月劉顯

殺石祗劉啓來奔秋八月趙公

卅遇來降九月峻陽太陽

二陵崩無十一月趙姚弋仲魏

統皆來降十二月趙人周

成高昌樂弘李歷相次來降

傳曰符徒洪之子也既敗王師

乃僭號皇帝位不書帝不

與其僭帝也然則符徒僭王何以書曰諸侯王人臣皆稱

焉帝則天下真主稱之僭不亂真春秋之大例也劉顯者

石祗之將也祗使顯攻冉閔為閔所敗乃密降閔請殺祗

以自効於是殺祗閔其祗首者通衢劉啓者顯之從弟也

趙兗州刺史惡顯所為乃來奔自是趙國分裂故冉遇姚

弋仲魏統周成高昌樂弘李歷背邊成之臣避亂來降

經永和八年春帝正月辛卯日有蝕之無二月峻平崇陽

二陵崩夏四月冉閔為慕容雋所滅將軍謝尚討賊張

遇王師敗績秋七月趙故將王擢請降冬十月將軍周撫

討

傳曰峻平崇陽二陵崩遣

衛五陵

不能固

皆崩有盜穴之故也去年峻陽太陽二陵崩不書盜者告

不以盜故不書蓋冉閔既殺石祗盡誅諸胡遣使常煇者
聘于慕容儁使封裕詰之曰閔息養常材負恩篡逆有
何祥應僭稱大號煇對曰浪烏紀於 王麟 龍表于漢
魏寡君應天御曆能無祥乎又問曰閔鑄金為七象壞而
不成奈何 有天命乎 煇曰鑄形之事所未聞也左右
欲殺煇儁曰兵交使在其間赦之乃遣慕容恪伐閔固守
不恪連擊皆勝閔奔常山追及於孤水擒閔斬之于龍城
閔國亡周制九代之法其極曰戒言冉閔滅趙以非辜故
亦為慕容儁非辜滅也張遇以許昌反詔安西將軍謝尚
討之戰于許昌王師敗績符健始其弟雄襲遇虜之不書
虜耻王師之不若 索張遇者健之將也初降尚尚不能結
懷之遇怒復反而尚討之為遇所敗坐
兵敗付廷尉書王王擢者石虎故將也遣使來請降拜秦
師敗績實讒尚云

州刺史未幾擢為符健所逼奔于涼州書曰請降實米降
耳蕭敬文者蜀故將也永和三年反據涪城至是周撫始
斬平之冉智者孰謂閔之子也閔既國亡智以歎降送傳
國璽其文曰受天之命皇帝壽昌百僚稱賀未幾為其將
馬願執之降慕容恪書請降言未降于我也

經末和九年春帝正月 華遣王擢與符雄戰

敗績三月交州刺史阮敷破林邑五月張重華取秦州八
月遣河間王欽脩五陵冬十月姚襄叛 未涼張重華薨
子耀靈立是月張祚弒耀靈自立

傳曰張重華使王擢伐符健擢既敗單騎而還重華素服
為戰亡者舉哀復授擢兵遂襲取秦州林邑國者漢象林
縣也即馬援鑄銅柱之處也其國主范文末和三年攻陷

日南殺太守至是交州刺史阮敷發兵擊破之河間王欽者彭城元王植之子也河間王顥無後以欽為嗣使脩五陵禮也姚襄者何羗人弋仲之子也隨來降襄叛擊殷浩敗之掠淮南有衆七萬稱大單于走入關為符堅所殺張重華死年二十七立子耀靈年十歲張祚弑之自立僭號稱帝改和平元年凉自此亂矣

經永和十年春帝正月帝臨朝周成反襲洛陽二月桓温伐關中廢殷浩為庶人夏四月桓温符萇戰于藍田五月郭敞叛六月桓温與符雄戰于白鹿原王師敗績

傳曰周成者冉閔降將也自宛陵襲洛陽桓温伐符堅書曰關中言姚襄亦入關不止諸符而已殷浩字深源善玄言好老易累遷至都督徐兗揚豫青州諸軍事桓温素忌

浩上浩罪曰案中軍殷浩侵官離局高下在心受傳征之重無雪耻之志坐自封植妄生風塵姚襄弟入質浩不能撫用陰圖殺害生長亂階自浩始也乃廢為庶人符萇

者何萇健之子也桓温率衆四萬趨長安健萇率衆五萬拒温轉戰次于霸上萇敗退温衆饑乃還不書敗之者

譏温無功也案符健載記云健聞温來伐收麥清野以待之故温糧盡大饑引還

經元和十一年春帝正月甲辰汝南王統薨夏四月壬申隕霜姚襄寇外黃六月秦符健死秋七月宋混殺張祚立玄覲冬十二月慕容恪寇廣固壬戌上黨人請降

傳曰四月隕霜也春秋傳云天反時為災人反德為亂則妖災生正陽用事而隕霜者陰反陽也臣矣君也本志謂度徵常寒之罰劉向云誅罰不由君出在下之象蓋此

時桓温專政之應姚襄者弋仲之子既叛晉自稱大單于
攻外黃為邊將高季所敗而退六月符健死子生嗣偽位
書秦者別秦自為國也言非晉所統矣宋混者敦煌人也
與祚宗人張璠起兵聲言張祚無道遂殺之梟首宣示內
外國人怒祚暴 咸稱萬歲衆兵立耀靈弟玄靚慕容恪
者皝之子 兄儁之子暉既僭帝位以恪叔父大功總攝
朝政圖洛陽故兵臨廣固秦中大震符堅親將以備潼關
恪不利而還是時桓温初收洛邑故書寇言復晉也廣固
洛東虎牢之地上黨人馮鴛自稱太守皆符生遣使來降
非歸命也始結援耳

經末和十二年春帝正月懸而不樂將軍段龕敗慕容
二月太尉桓温討姚襄夏四月秋七月桓温

冬十

曰脩洛陽陵

無傳

經升平元年春帝正月加元服始親政丁丑隕石于槐里
一將軍段龕與慕容恪戰死之三月帝釋奠于中堂夏五
月將軍謝尚卒符堅敗姚襄斬之六月符堅殺符生自立
符堅將張平以并州請降

無傳逸案張平本石季龍將也石虎死平歸慕容儁至是稱藩

晉臣

傳曰帝即位時年二歲至是年六十矣加元服告于太廟
始親萬機故改元隕石隕星也春秋隕石于宋五叔服曰
陰陽之事非吉凶所生案本志曰星墜者當其下有戰場
慕容恪字立恭皝第四子也及暉之世恪專總朝政秦州
刺史段龕敗慕容恪至是為恪所陷皆害書死之閔忠也
釋奠中堂者權為太學也本志謂古禮立學必釋奠于先

聖先師漢元帝始祠孔子至魏使太常釋奠孔子于辟雍

晉帝親釋奠于中堂權也晉未立太學故謝尚字仁祖豫

章太守鯤之子也求和中累遷至僕射桓温平洛陽表尚

為鎮會疾不行徵拜衛將軍卒姓襄者弋仲子也弋仲相

石祗于襄國祗季龍嗣也常戎諸子曰吾以晉亂而石氏待我

厚今石氏已亡中原無主自古未有戎狄作天子者我死

汝即歸晉乃降至是襄入關討符生為生所敗符堅命斬

之堅襄皆名者戎夷直書其事無所褒貶也符堅字永固

雄之子也其先戎人也祖曰洪事石季龍居鄴雄生堅及

符生嗣健偽位殘虐無度於是堅殺之自立為大秦天王

書曰自立非正也皇后何氏父準散騎侍郎以名家應選

禮也賜酺大赦言酺設老人則可矣赦宥罪賜

冬十一月雷災也

經升平二年春帝正月慕容儁陷冀州五月有星孛天船

秋八月將軍謝奕卒十二月即將荀羨及慕容儁戰于山

在王師敗績

傳曰慕容儁字宣英皝之子也求和八年僭號燕帝至是

儁盡有冀州諸郡有星孛天船本志謂彗星出天船有謂

占曰兵喪主除舊布新天船主大水外夷交侵之象謝奕

字無奕安兄也累遷至都督豫司冀并四州諸軍事書翠

得常也荀羨字令則侍中松之子也尚公主累遷徐兗監

軍事救青州段蘭為慕容儁所敗書王師敗績譏羨致其

敗也

經升平三年春帝正月三月甲辰詔王公戶助糧運秋七

月將軍高昌奔滎陽冬十月郎將謝萬雄曇皆為慕容儁所敗交州刺史温放之討林邑降之無傳

傳曰比年出軍糧運不繼詔王公以下士戶偕一人以助運議國感也高昌者孰謂本石季龍將也石亡稱藩于我

至是為慕容儁所逼奔滎陽時中國無主亡人奔散書滎陽不書晉譏晉不能庇也謝萬將兵次下蔡雄曇奔高平皆敗績言慕容方強晉日削也

經升平四年春帝正月慕容儁死暐嗣位夏四月秋八月辛丑朔日有蝕之冬十一月桓温封南郡公

傳曰燕儁將死

若行

既

淺者 淺蝕深者

門人主惡之

蝕在角幾

明年帝崩之兆桓温自平姚襄後以功至是封南郡公

經升平五年春帝正月北中郎將郝曇卒廣州刺史滕含

卒無傳夏五月帝崩于顯陽殿立琅邪王為帝七月葬穆帝

傳曰郝曇字重熙司空郝鑒之後也累遷至北中郎將都

督徐兗刺史鎮下邳書官卒無譏也帝年十九無嗣崩于

顯陽殿以壽終也以顯陽殿為正寢琅邪王丕字千齡成

帝長子也穆帝崩太后詔以丕即帝位七月葬穆帝譏速

也天子七月而葬

經哀帝隆和元年春帝正月帝即位二月庾希鎮下邳表

真鎮汝南立母周氏為皇太妃三月甲寅朔日有蝕之丁丑

浩疊山崩叛臣呂護寇洛陽戴施奔宛五月丁巳詔庾希

鄧遐救洛陽七月庾希與慕容暉戰于檀丘破之冬十月賜貧民米五斛

傳曰哀帝於升平五年五月即位至今隆和書即位者從正始也庾希素真並假節出二鎮防慕容暉也周氏初以選入成帝宮生哀帝帝詔有司崇為皇太妃儀服與太后同春秋之義母以子貴禮也丁丑涼州地震浩盪山崩本志曰張天錫亡之兆也天錫明年呂護者冀州刺史先為慕容恪所攻退保滎陽至是叛歸慕容暉反寇逼洛陽河南太守戴施奔宛桓温大衆在宛也書寇盛晉衰也且言洛陽將不救也庾希鄧遐以舟師救洛陽並書者邊政在一臣而已慕容暉將劉則及庾希將何謙戰則敗書曰破之喜賊退也賜貧民米書元旱也

經興寧元年春二月改元三月壬寅皇太妃薨癸卯帝幸琅邪夏四月桓温錄尚書事癸卯慕容暉陷密城秋七月涼州張天錫弒西平公玄靚自立丁酉葬章太妃九月大司馬北伐冬十一月盜殺江州趙毗

傳曰改元大赦大赦不書譏非古也凡赦國之大權有不得已則赦之今改元無大故而赦故不書太妃周氏先以帝封琅邪及帝立而尊穆帝太后故周氏猶居琅邪及薨帝奔喪于琅邪非古也曷謂非古也天子之母當居天子之宮周氏雖避嫌太后不當猶處琅邪諸王之弟也故經書幸琅邪言巡幸何也天子無外安有奔喪之文故不書奔喪禮也桓温錄尚書事臣強自此始乎燕慕容暉攻密城陷之滎陽太守劉遠逃歸江陵遠不書微也微不足書也張

天錫駿少子玄靚之叔也玄靚冲幼性弱天錫專政大臣張欽欲討天錫事泄伏誅天錫率衆入禁門僭害玄靚乃自立書弒言玄靚亦國君也世受晉封爵天錫專政篡立故書弒以貶其大惡也周大妃謚曰章丁酉書葬禮也大司馬北伐不書名而書官者尊天子之官抑權臣之盛也不言伐某而曰北伐者示天子之大不以中原外之諱晉之衰故持抑司馬之官以明邦政大四方焉故曰北伐云耳盜殺者姚襄故將張駿焚武昌掠府藏而殺刺史也駿不書名微也

名者舉江州為言也毗不才而為盜所殺春秋襄十年盜殺鄭公子駢傳曰書盜言無大夫也又昭二十年盜殺衛公孟縶狎齊豹以戈繫公孟殺之齊豹衛司寇不書官不書名稱盜貶不義也張駿本寇黨

也故書盜云

經興寧二年春帝正月二月慕容評襲許昌癸卯帝耕藉田三月庚戌大閱秋七月徵桓温入朝符堅侵河南

傳曰慕容評者暉將也潛來襲許昌太守李福死之侵汝南汝南太守朱斌遁于壽陽又圍陳郡太守朱輔固守皆

不書者謂晉諱爾哀帝無帝王才識逼於桓温之手慕容氏侵中原君子不忍彰晉之衰也故特諱不書意其欲真

主挺生以興復中原乎帝耕藉田禮也哀雖衰弱猶能務農之本是謂禮典焉農為邦本典禮所先庚戌大閱禮也先王之制

居安慮危况晉室陵夷兵不可廢而不講焉桓温者何温既復洛陽上疏陳便宜七事詔温參朝政至赭圻固讓乃

鎮揚州書曰徵桓温入朝譏也温雖擅權于外然符秦既顯大故譏而不貶

僭號懼慕容暐先據洛故侵河南春秋之義無鍾鼓曰侵
經興寧三年春帝正月庚申皇后王氏崩二月桓冲監六
郡事丙辰帝崩于西堂琅邪王奕嗣帝位三月壬申葬哀
帝丙午慕容恪陷洛陽

經廢帝太和元年帝正月即位二月乙丑涼張天錫

公三月新蔡王邈薨夏五月戊寅皇

將軍

朱序平涼州勳冬十二月慕容暐陷魯郡

傳曰廢帝諱奕字延齡哀帝母弟也哀帝二月崩

嗣

皇帝位今正月始書即位者改元建正然後即位春秋舊

制也張人錫以涼州稱藩故晉命之以公爵稱涼者自為

一國也新蔡王邈者武武哀王騰之後也騰子確確子治

滔子弼弼子邈邈薨而子晃嗣封為桓温所廢司馬勳晉

宗室濟南王遂之曾孫也

和中自列乃受梁州刺史及

周撫卒勳反桓温遣朱序討

勳勳暴虐民心不附自潰序

執送于温温斬之書曰梁州

勳不書姓削

屬藉之十

二月慕容暐遣將慕容暐陷

晉郡高平

經太和二年春帝正月夏四日

羅崇破慕容暐于竟陵將

軍桓豁獲趙槃秋九月郗愔鎮

徐州

傳曰慕容暐遣其將塵寇竟陵

太守羅崇擊破之桓豁為

右將軍慕容暐將趙槃威宛詔

豁擊獲之于魯陽送京師

郗愔字方為鑒子也自會稽內

史遷

充簡文所薦用

也簡文輔薦

倍受此命

經太和三年春帝正月三月丁

巳日有蝕之無

月大

風折木秋八月尚書王述卒

傳曰大風者洪範狂常風若思短折也王述 湛孫也少襲益

不膚是

極凶

無足稱也 經太和四年春帝正月夏四月 九月桓温至枋頭而歸辛丑

司馬

於

袁真叛十二月桓温反

于涂中

傳曰大司馬執謂曰桓温也曷

謂不書桓温

馬掌

九代之法天子仕以邦政使專

征不庭

袁司馬之

官天子所任也不止桓温獨當

此職

之意欲天子征

伐靜中原服四夷故不書温重

也桓温至枋頭何以

書曰温糧運不繼焚舟而

失策拜政之辱故不書

官特書名以示貶也温枋頭既

歸後軍為慕容垂所追敗

于襄邑亦不書皆貶也袁州為豫州刺史鎮壽陽叛者怒

桓温也温敗于襄邑歸過于真真怒乃以壽陽降慕容暉

稽王昱即簡文也桓温自山陽會于涂中在謀北伐也

經太和五年春帝正月二月袁真死其子瑾嗣事四月部

將竺璠破袁瑾秋九月益州賊李金根反梓潼太守周虓

討平之冬十月秦將王猛滅燕以慕容暉歸

傳曰袁真死其黨朱輔立其子瑾號建威將軍夏四月桓

温遣部將竺璠破瑾於武丘九月廣漢賊李引 益州賊

李金根反自稱聖王詔周虓 將王猛

攻壺關慕容暉遣慕容評率兵四十 于潞川評

大敗縛暉歸長安書秦燕二國 也夷狄滅夷

狄或不名非例也 十六年楚人滅夔以夔子歸

楚變皆稱

赤秋甲

晉不能

不書名宣十六年晉士會率師滅
書名元經之旨以秦燕猶列國耳且明

經太和六年春帝正月將軍桓伊破秦將王鑒

桓温

平袁瑾二月將軍周楚卒夏四月秦符堅滅仇池以楊纂
歸十一月桓温屯白石丁未廢帝為東海王崩于吳縣

傳曰桓伊字叔夏侍中景之子朝廷以符堅強盛選能捍
疆場者用伊為淮南太守堅使王堅張蚝來 袁瑾伊繫

王堅敗之書曰秦將言符堅猶敵國也丁亥平袁瑾壽陽

平也周楚字元孫征西訪之孫也隨父撫入蜀拜將軍捷

為太守撫卒朝廷以楚襲爵建成公監梁益二州軍士世

在蜀得物情司馬勳反楚討平之又李金根賊反楚正之

皆有功書官以卒世闕也

周訪與陶侃齊名時王敦終訪
之世不敢謀逆撫隨桓温平蜀

有功楚孫楚臨于符堅堅
何如楚曰戎秋成群何敢

問曰我元會晉家
仇池楊氏其

先氏一人也數世襲封仇池公至楊世者初降秦既而稱

藩于晉世死其子纂嗣位立而絕於秦纂弟楊統起兵武都

與纂分爭符堅遣將雅率師七萬取仇池進攻 益戰

于陝中纂降雅雅送長安書歸者降歸也封纂強川侯桓

温屯兵于白石詣闕諷太后集百官于朝宣太后令曰琅

邪王奕以母弟入纂大位昏濁潰 動違禮度有此三孽

莫知誰子欲樹儲藩誣罔祖 傾移皇基是而可忍孰不

可懷今廢為東海王 拜 莫不歔歔帝居吳縣安於

屈辱沉湎 武 元十一年崩于吳縣今年書崩
者帝無 其廢也故以帝禮終之而言崩于吳縣明

失所

昭公薨于乾侯明失所也

元經薛氏傳第五

